

# 合部金光明經序

化一

金光明經者教窮滿字金鼓擊於夢中理極  
真空寶塔涌於地上三身果備酬昔報之無  
虧十地因圓顯曩修之具足所以經王之號  
得稱於斯將知能弘贊人其位難量者也大  
興善寺沙門釋寶貴者即近周出道安神足

伏膺明近寔曰良才懿閱群經未嘗釋手可  
謂瞿曇身子孔氏顏淵者焉然貴觀昔晉朝  
沙門支敏度合兩支兩竺一百五家首楞嚴  
五本爲一部作八卷又合一支兩竺三家維  
摩三本爲一部作五卷今沙門僧就又合二  
識羅什耶舍四家大集四本爲一耶作六十  
卷非止收湊添海亦是聚芥陪山諸此合經  
文義宛具斯旣先哲遺蹟貴遂依承以爲規  
矩而金光明見有三本初在涼世有曇無識  
譯爲四卷止十八品其次周出闍那崛多譯  
爲五卷成二十品後逮梁世真諦三藏於建  
康譯三身分別業障滅陀羅尼最淨地依空

滿願等四品足前出沒爲二十二品其序果  
云曇無識法師稱金光明經篇品闕漏每尋  
文揣義謂此說有徵而讎校無指未懷寤寐  
寶貴每歎此經秘奧後分云何竟無囑累舊  
雖三譯本疑未周長想梵文願言逢遇大隋  
馭寓新經即來帝勅所司相續翻譯至開皇

十七年法席小間因勸請北天竺捷陀羅國  
三藏法師此云志德重尋後本東有囑累品  
後得銀主陀羅尼品故知法典源散派別條  
分承注未流理難全具賴三藏法師慧性冲  
明學業優遠內外經論多所博通在京大興  
善寺即爲翻譯并前先出合二十四品寫爲

八卷學士成都費長房筆受通梵沙門日嚴  
寺釋彥琮校練寶珠旣足欣躍載深願此法  
燈傳之永劫

## 合部金光明經

隋大興善寺沙門 寶貴合入

## 序品第一

如是我聞一時佛在王舍大城耆闍崛山是時如來遊於無量甚深法性諸佛行處過諸菩薩所行清淨是金光明諸經之王若有聞者則能思惟無上微妙甚深之義如是經典常為四方四佛世尊之所護持東方阿閦南方寶相西無量壽北微妙聲我今當說懺悔等法所生功德為無有上能壞諸苦盡不善業一切種智而為根本無量功德之所莊嚴滅除諸苦與無量樂諸根不具壽命捐減貧窮困苦諸天捨離親厚鬪訟王法所加各各忿諍財物捐耗愁憂恐怖惡星災異衆邪蠱道變恠相續卧見惡夢晝則愁惱當淨洗浴聽是經典至心清淨著淨潔衣專聽是經甚深行處是經威德能悉消除如是諸惡今其寂滅護世四王將諸官屬并及無量衆義之衆悉來擁護是持經者大辯天神尼連河神鬼子母神地神堅牢大梵尊天三十三天大神龍王緊那羅王迦樓羅王阿修羅王與其

眷屬悉共至彼擁護是人晝夜不離我今所說諸佛世尊甚深秘密微妙行處億百千劫甚難得值若得聞經若為他說若心隨喜若設供養如是之人於無量劫常為諸天八部所敬如是修行生功德者得不思議無量福聚亦為十方諸佛世尊深行菩薩之所護持

著淨衣服以上妙香慈心供養常不遠離身意清淨無有垢穢歡喜悅豫深樂是典若得聽聞當知善得人身人道及以正命若聞懺悔執持在心是上善根諸佛所讚

### 金光明經壽量品第二

爾時王舍城中有菩薩摩訶薩名曰信相已

曾供養過去無量億那由他百千諸佛種諸善根是信相菩薩作是思惟何因何緣釋迦如來壽命短促方八十年復更念言如佛所說有二因緣壽命得長何等為二一者不殺二者施食而我世尊於無量百千億那由他阿僧祇劫修不殺戒具足十善飲食惠施不

可限量乃至己身骨髓血肉充足飽滿飢餓衆生況餘飲食大士如是至心念佛思是義時其室自然廣博嚴事天紺瑠璃種種衆寶雜廁間錯以成其地猶如如來所居淨土有妙香氣過諸天香煙雲垂布遍滿其室其室四面各有四寶上妙高座自然而出純以天

衣而爲敷具是妙座上各有諸佛所受用華衆寶合成於蓮華上有四如來東方名阿閦南方名寶相西方無量壽北方微妙聲是四如來自然而坐師子座上放大光明照王舍城及此三千大千世界乃至十方恒河沙等諸佛世界雨諸天華作天伎樂爾時三千大千世界所有衆生以佛神力受天使樂諸根不具即得具足舉要言之一切世間所有利益未曾有事悉具出現

爾時信相菩薩見是諸佛及希有事歡喜踊躍恭敬合掌向諸世尊至心念佛作是思惟釋迦如來無量功德唯壽命中心生疑惑云

何如來壽命如是方八十年爾時四佛以正遍知告信相菩薩善男子汝今不應思量如來壽命短促何以改善男子我等不見諸天世人魔衆梵衆沙門婆羅門人及非人有能思等如來壽量知其齊限唯除如來時四如來將欲宣暢釋迦文佛所得壽命欲色界天

諸龍鬼神乾闥婆阿修羅迦樓羅緊那羅摩睺羅伽及無量百千億那由他菩薩摩訶薩以佛神力悉來聚集信相菩薩摩訶薩室爾時四佛於大衆中略以偈喻說釋迦如來所得壽量而作頌曰

一切諸水可知幾滴無有能數釋尊壽命諸湧彌山可知斤兩無有能量釋尊壽命一切大地可知塵數無有能算釋尊壽命虛空分界尚可盡邊無有能計釋尊壽命不可計劫億百千萬佛壽如是無量無邊以是因緣故說二緣不害物命施食無量是故大士壽不可計無量無邊亦無齊限

是故汝今不應於佛無量壽命而生疑惑爾時信相菩薩摩訶薩聞是四佛宣說如來壽命無量深心信解歡喜踊躍說是如來壽命品時無量無邊阿僧祇衆生發阿耨多羅三藐三菩提心時四如來忽然不現爾時信相菩薩彼諸佛邊聞說釋迦牟尼世

尊壽量已白彼諸佛言諸世尊云何彼釋迦牟尼如來顯示如是短少壽量如是語已彼諸世尊告信相菩薩言然彼釋迦牟尼如來五濁世時出現於世壽百歲生中於下信解衆生少善根衆生我見衆生見命見養育富伽羅見邪見我我所執著等中爲利益諸凡

夫衆生及外道丘乾陀波梨婆闍迦等故世尊釋迦牟尼如來顯示如是短少壽量成熟衆生善男子然後釋迦牟尼如來顯示如是短少壽量彼等衆生若知如來入涅槃已發生苦想希有想未曾有想憂愁想速當受如是等修多羅當持讀誦當不毀謗是故如來

顯示如是短少壽量彼等衆生若見如來不入涅槃不生希有想憂愁想未曾有想彼當不受如來所說諸修多羅亦當不持讀誦所以者何謂常見故善男子譬如有一丈夫父母多有錢財果報然後丈夫諸子知財聚已不生希有想未曾有想所以者何謂多果報故善男子如是如是彼等衆生若知如來不入涅槃已不生希有想未曾有想難得想所以者何謂常見故善男子譬如有一丈夫父母貧窮少有果報彼等或詣王及王大臣家中彼於彼處見滿倉庫種種衆寶彼於彼處得希有行得未曾有想當生難得想亦爲彼財聚故勤劬發精進意欲得彼財聚故所以者何謂少果報故善男子如是如是彼等衆生若見如來已入涅槃當得希有得未曾有當生若想於無量時諸佛世尊乃出於世譬如有優曇波羅華於無量時乃出於世如是如是諸佛世尊於無量時乃當出世彼等衆生

得希有行得未曾有當得踊躍彼等見如來已則當信向若聞如來實語言時當受如是等修多羅當不違競善男子以是義故如來不久住世速當涅槃善男子諸佛世尊如是方便善巧成熟衆生爾時彼等諸佛世尊隱沒不現爾時信相善薩與無量百千菩薩及

無量俱胝那由他百千衆生詣耆闍崛山釋迦牟尼如來正遍知所到已頂禮佛足却住一面住一面已信相善薩摩訶薩白佛如上所說諸事乃至彼等諸佛世尊詣耆闍崛山釋迦牟尼如來所到已各各隨方各各於座而坐爾時彼等諸佛世尊各各告侍者菩薩言汝善男子去詣釋迦牟尼如來所到已爲我等問訊少病輕起氣力安樂行不復作是言善哉釋迦牟尼如來今欲說金光明法本我等當隨喜爾時彼等諸菩薩摩訶薩詣釋迦牟尼如來所到已頂禮釋迦牟尼如來足禮已却住一面住一面已彼等諸菩薩摩訶

薩白佛言世尊四方四佛世尊問訊世尊少病輕起氣力安樂行不復作是言善哉世尊願說金光明修多羅法本爲諸衆生利益安樂故乃至除滅飢儉等故爾時世尊釋迦牟尼如來讚諸菩薩衆言善哉善哉善男子汝等乃能爲諸衆生勸請如來爾時世尊而說

偈言  
成熟衆生故  
示現般涅槃  
凡夫染著見  
不信我所說  
彼等成熟故  
我現般涅槃

是時大會有婆羅門姓憍陳如名曰聖記在於衆中諦心安坐無量百千婆羅門衆前後圍繞而共恭敬供養如來聞佛世尊壽命八十應般涅槃涕淚悲泣與於百千婆羅門衆俱從坐起頂禮佛足白言世尊若佛如來憐愍利益一切衆生大慈大悲欲令皆悉得大安樂爲衆生作真實父母最上無等及無等等爲世間作歸依覆護令諸衆生快樂清涼如淨滿月作大光明如日照於優陀延山若

佛世尊等觀衆生如羅睺羅願佛爲我施一恩德是時如來默然不答於此會中有栗車毗國王童子名曰一切衆生喜見在大衆中具足詞辯善能問答是時王子承佛神力語婆羅門憍陳如言大婆羅門汝於世尊求何恩德我能爲汝施如意恩婆羅門言善哉王子我等願欲恭敬供養世尊之身是故欲得

恩德我能爲汝施如意恩婆羅門言善哉王子我等願欲恭敬供養世尊之身是故欲得

如來舍利如芥子許恭敬供養所以者何如我所聞若善男子及善女人恭敬供養如來舍利六天帝主富貴安樂必得無窮是時王子即便答言大婆羅門汝一心聽若欲願求無量功德及六天報是金光經諸經之王

難思難解福報無窮聲聞緣覺所不能知此經攝持如是功德無邊福報不可思議我今爲汝略說之耳婆羅門言善哉王子如是金光微妙經典功德無邊難解難覺乃至如此不可思議我等邊國婆羅門等作如是說若善男子及善女人得佛舍利如芥子許置小

塔中暫時禮拜恭敬供養功德無邊是人命終作六天主受上妙樂不可窮盡汝今云何而不願樂供養舍利求此報耶如是王子以是因緣我今從佛欲求一恩是時王子即以偈答婆羅門言

設河駛流中

可生拘物華

世尊身舍利

畢竟不可得

假使烏赤色

拘枳羅白形

世尊真實身

不可成舍利

設令閻浮樹

能主多羅果

如來身無滅

可以爲衣裳

如來身無滅

假令蚊蚋脚

可以作城樓

佛身非虛妄

如來真實身

不可生舍利

設使龜毛等

終無有舍利

佛身非虛妄

轉生菴羅寶

如來真實身

無有舍利事

假令水蛭虫

口中生白齒

如來解脫身

終無繫縛色

兔角爲梯墜

從地得昇天

邪思惟舍利

功德無是處

鼠登兔角梯

食月除修羅

依舍利盡惑

不可思議我等

如蠅大醉酒

不能造窠穴

邊國婆羅門等作如是說若

如驢但飽食

不能至三乘

於佛無正行

如驢但飽食

不能至三乘

終無有伎能  
能說及能行  
同時一樹栖  
舍利虛妄身  
不能遮風雨  
如大海船舶  
執持無是處  
不能攝如來  
不能銜香山  
如是如來身  
所願不成就  
時婆羅門聞此義已即便說偈答王子言  
善哉善哉汝真佛子大吉祥人善巧方便  
於理不動已獲正記王子聽我今次第說  
度世依處佛德難思如來境界無能知者  
一切諸佛不與他共一切諸佛本來寂靜  
一切諸佛所修行同一切諸佛後際常住  
一切諸佛同共一體如是等義是如來法

歌舞令他樂  
自他無是處  
和合相愛念  
俱有無是處  
於佛起虛妄  
具足諸財寶  
法身無邊際  
其義亦如是  
煩惱依法身  
甚深難思量  
不淨地煩惱  
譬如諸鳥雀  
不爲煩惱動  
若不如法觀  
新生女人力  
王子當知佛身如是如如來說如是之義

我已聞知爲請如來廣開分別真實之義  
故求舍利開方便門  
是時會中三萬二千天子聞說如來如是甚  
深壽量義已一切皆於無上菩提發堅固心  
歡喜踊躍異口同音說偈讚言  
一切諸佛不般涅槃一切諸佛身無破壞  
但爲成熟諸衆生故方便勝智示現涅槃  
前際如來不可思議後際如來常無破壞  
中際如來種種莊嚴衆生法界皆爲利他  
是時信相菩薩從諸如來及二大士聞說釋迦  
壽命義已得滿所願心無疑惑踊躍歡喜

僧祇等諸衆生類聞說是義於無上道皆得發心時四如來忽然不現是大會中唯釋迦在金光明經三身分別品第三

是時虛空藏菩薩摩訶薩在大眾中從坐而起偏袒右肩右膝着地合掌恭敬頂禮佛足

皆以上妙金寶之華寶幢幡蓋悉以供養而白佛言世尊云何菩薩摩訶薩於諸如來如法正修行佛言善男子諦聽諦聽善思念之吾當為汝分別解說善男子一切如來有三種身菩薩摩訶薩皆應當知何者為三一者化身二者應身三者法身如是三身攝受阿耨多羅三藐三菩提云何菩薩了別化身善

男子如來皆在修行地中為一切衆生修種種法是諸修法至修行滿修行力故而得自在力故隨衆生心隨衆生行隨衆生界多種了別不待時不過時處所相應時相應行相應說法相應現種種身是名化身善男子是諸佛如來為諸菩薩得通達故說於真

諦為通達生死涅槃一味故身見衆生怖畏歡喜故為無邊佛法而作本故如來相應如如如智願力故是身得現具足三十二相八十種好項背圓光是名應身

善男子云何菩薩摩訶薩了別法身為欲滅除一切諸煩惱等障為欲具足一切諸善法故唯有如如如智是名法身前二種身是假名有是第三身名為真有為前二身而作本故何以故離法如如離無分別智一切諸佛無有別法何以故一切諸佛智慧具足故一切煩惱究竟滅盡得佛淨地是故法如如意智攝一切佛法故

復次善男子一切諸佛利益自他至於究竟自利益者是法如如利益他者是如如智於自他利益處而得自在種種無邊用故是故分別佛法無量無邊種種故善男子譬如依妄想思惟說種種煩惱說種種業說種種果報依如是法如如如智說種種佛法說種

種緣覺法說種種聲聞法依法如如依如如智一切佛法得自在成就是爲第一不可思議譬言如盡空作莊嚴具亦難思議如是於法如如如智攝成佛法亦難思議善男子云何法如如如智二種無分別而得自在事善男子譬如如來已般涅槃願自在故種種事未盡故如是法如如如智而得自在事復次善男子菩薩摩訶薩入無心定依前願力從禪定起事如是二法無有分別得自在事故善男子譬如日月無有分別亦如水鏡無有分別光明亦無分別三種和合故得有影如是法如如如智亦無分別以願相在

依法身者說無餘涅槃何以故一切餘究竟盡故依此三身一切諸佛說無住處涅槃何以故爲二身故不住涅槃離於法身無有別佛何故二身不住涅槃二身假名不實念念滅不住故數數出現以不定故法身不爾是故二身不住涅槃法身者不二是故不住於般涅槃依三身故說無住處涅槃善男子一切凡夫爲三相故有縛有障遠離三身不至三身何者爲三一者思惟分別相二者依他起相三者成就相如是諸相不能解故不能滅故不能淨故是故不得至於三身於是三相能解能滅能淨故是故諸佛具足三身善男子諸凡夫人未能拔除於三心故遠離三身不能至故何者爲三一者起事心二者依空影得現種種異相空者即是無相善男子如是變化之衆諸弟子等是法身影以願力故應於二身現種種相貌於法身地無有異相善男子依此二身一切諸佛說有餘涅槃

足三身善男子一切諸佛於第一身與諸佛同事於第二身與諸佛同意於第三身與諸佛同體善男子是初佛身隨衆生意有多種故現種種相是故說多第二佛身弟子一意故現一相是故說一是第三佛身過一切種相非執相境界是故說名不一不二善男子是第一身依於應身是故得現是第二身依於法身是故得現是法身者是真實有無依處故善男子如是三身以有義故而說於常以有義故說於無常化身者恒轉法輪處處如如方便相續不斷故是故說常非是本故一切諸用不具足現故說無常應身者從無始生死相續不斷一切諸佛不共之法能攝持故衆生未盡用亦不盡是故說常非是本故以具足用不顯現故說無常法身者非是行法無有異異無有故是自本故猶如虛空是故說常善男子離無分別智更無勝智離法如如無勝境界是法如如是慧如如

是二種如如如如不一不異是故法身慧清淨故滅清淨故是二清淨故是故法身具足清淨復次善男子分別有四種身有化身非應身有應身非化身有化身亦應身有非化身亦非應身何者化身非應身如來已般涅槃以願自在故遺身如是之身即是化身何者應身非化身是地前身何者化身亦應身住有餘涅槃如來之身何者非化身非應身是如來法身善男子是法身者二無所有顯現故何者名爲二無所有於此法身相及相處二皆是無非有非無非一非二非數非非數非明非暗如是如如智不見相及相處不見非有非無不見非一非異不見非數非非數不見非明非暗是故境界清淨智慧清淨不可分別無有中間爲滅道本故於此法身顯現如來善男子是身因緣境界處所果依於本難思量故若了義說是身即是大乘是如來性是如來藏依於此身得發初心修行中心而

得顯現不退地心亦皆得見一生補處心金剛之心如來之心而悉顯現無量無邊如來妙法皆悉顯現依此法身不可思議摩訶三昧而得顯現依此法身得現一切大智是故二身依於三昧依於智慧而得顯現如此法身依於自體說常說實依大三昧故說於樂依於大智故說清淨是故如來常住自在安樂清淨依大三昧一切禪定首楞嚴等一切念處大法念等大慈大悲一切陀羅尼一切六神通一切自在一一切法平等攝受如是佛法皆悉出現依此大智佛大十力四無所畏四無礙辯一百八十不共之法一切希有不可思議法皆悉顯現譬如依如意寶珠出無量無邊種種諸寶悉皆得現如是依大三昧寶依大智慧寶出種種無量無邊諸佛妙法之寶善男子如是法身三昧智慧過一切相不著於相不可分別非常非斷是名中道雖有分別無體分別雖有三數而無三體不增

不減猶如夢幻亦無所執亦無能執法體如是解脫處過死王境界越生死暗一切衆生不能修行所不能至一切諸佛菩薩之所住處善男子譬如有願欲得金處處求覓即見金鑛既得見已即便破鑛選擇取金以內爐中加以銷治得清淨金隨意迴轉作諸環釧種種嚴具雖復諸用金性不改善男子若善男子善女人求勝解脫修行出善得見如來及弟子衆得親近已而白佛言世尊何者爲善何者不善何者正修行而得清淨離於不淨諸佛如來及弟子衆如是思惟是善男子善女人欲求清淨欲聽正法如是知已即說正法是善男子善女人已聞正法正念憶持發心修行得精進力破懶惰障破懶惰障已滅除一切罪障破罪障已於菩薩學處破無尊重障破無尊重障已破掉悔心破掉悔心已入於初地依於初地拔利益障拔利益障已得入二地依於二地破不逼惱困苦

障破此障已入於三地入於三地依此三地  
破心轉淨障破心轉淨障已入於四地依此  
四地破善方便障破善方便障已入於五地  
依此五地破見真俗障破見真俗障已入於  
六地依此六地破見行相障破見行相障已  
入於七地依此七地破不見滅相障破不見  
滅相障已入於八地依此八地破不見生相  
障破不見生相障已入於九地依此九地破  
六通障破六通障已入於十地依此十地破  
一切所知障破一切所知障已拔除本心入  
如來地如來地者爲三種淨故得極清淨何者  
爲三一者煩惱淨二者苦淨三者相淨譬如有  
金鎔銷鍊治既燒打已無復塵垢爲顯金體本  
清淨故是金清淨不爲無金譬如水界澄停  
是法身煩惱本起悉皆清淨是法身清淨不  
爲無體譬如空中煙雲塵霧皆悉已淨是空  
清淨不爲無空如是法身一切諸苦悉皆滅

盡故說清淨不爲無體譬如有人於卧寐中  
夢見大水流汎其身運手動足逆流而上以  
其心力不懈退故從於此岸得至彼岸夢既  
覺已不見有水彼此之岸生死妄想既滅盡  
已是覺清淨不爲無覺如是法界一切妄想  
不復更生故說清淨不爲無體說於清淨復  
次善男子是法身者煩惱障清淨故能現應  
身業障清淨故能現化身智障清淨故能現  
法身譬喻如依空出電依電出光如是依於法  
身出於應身依於應身出於化身是故性極  
清淨攝受法身智慧清淨攝受應身三昧清  
淨攝受化身是三清淨是法如如是不異如  
如一味如如解脫如如究竟如如是故諸佛  
體一不異善男子若有善男子善女人說於  
如來是我大師當知是善男子善女人悉知  
悉見如來之身無有別身善男子是故於一  
切境界不正思惟悉除斷故而於此法無有  
二相無有分別聖所修行於如如無二相法

中以修行故如是如是一切種障悉皆除滅  
如如一切障滅如是如是法如如如如智最  
得清淨如如法界智慧清淨如是如是一切  
自在具足攝受故得一切自在者一切諸障  
悉滅除故一切種清淨故是如如智相如是  
見者是名聖見是則名爲真實見佛何以故

如如得見如如故是故如來見一切如來何  
以故聲聞緣覺已出三界覓於真境不能知  
見如是聖人所不知見一切凡夫皆生疑惑  
顛倒分別不能得度譬如免子欲度大海何  
以故不能通達法如如故一切如來無分別  
心於一切法得大自在無礙清淨智慧見故  
是自境界不共他故是故於無量無邊阿僧  
祇劫不惜身命難行能行爲得此身如此之  
身最上無比是處最勝不可思議過言說境  
界是方寂靜過一切怖畏善男子如是知見  
如如不生不老不死壽命無限無有寢卧無  
有食息心常在定無有散動若於如來起諍

訟心則不能得見於如來如來所說皆能利  
益有聽聞者皆蒙解脫若有惡人惡象惡禽  
獸等不相逢值於佛起業果報無邊一切如  
來無無記事一切境界無欲知心生死涅槃  
無有異心如來所記無不決定諸佛如來四  
威儀中無非智攝一切諸法無有不爲慈悲  
所攝無有不爲利益一切諸衆生者

善男子若有善男子善女人於此金光明經  
聽聞信解不墮地獄餓鬼畜生阿修羅道常  
生人天不爲下劣恒得親近諸佛如來聽受  
正法常生諸佛清淨國土何以故是甚深法  
得入於耳是善男子如來已見已記當得不  
退阿耨多羅三藐三菩提是善男子如是甚  
深之法得經於耳當知是人不謗如來不謗  
正法不謗聖僧一切衆生未種善根今得種  
故已種善根今增長成熟故一切世界所有  
衆生皆悉能行六波羅蜜

是時虛空藏菩薩梵釋四王諸天衆等即從

坐起偏袒右肩合掌恭敬頂禮佛足而白佛  
言世尊若有處處國土講說是金光明微妙  
經典於其國土四種利益何者爲四一者國  
王軍衆彊盛無諸怨敵離諸疾疫壽命脩長  
吉祥安樂正法興隆二者輔相大日和悅無  
諍王所敬愛三者沙門婆羅門及國邑人民  
修行正法多所利益年命長遠富逸安樂於  
諸福田悉得修立四者三時之中四大調適  
是諸人民增加守護慈悲平等心無傷害令  
一切衆生誠心歸仰皆悉修行菩提之行如  
是四種利益功德我等皆當處處爲作利益  
佛言善哉善哉善男子如是如是汝等應當  
修行如此經典則久住於世

## 合部金光明經卷第一

化

曩乃黨反音悅也竺音竹西楞嚴上郎識  
楚禁反譯消俱懸反水規矩上俱羽弥下  
揣義切初度讎校二音馭寓御宇派反水賣  
反水賣反

## 合部金光明經卷第二

隋大興善寺沙門寶貴合入

化

懺悔品第四  
爾時信相菩薩即於其夜夢見金鼓其狀殊  
大其明普照喻如日光復於光中得見十方  
無量無邊諸佛世尊衆寶樹下坐琉璃座與

阿閻也分流費房未及彦琮上魚箭反下在入經  
閻也反昌盡道下音古反紺青紅色雜廁  
拘詶一下珍遲反齊限上音古反紺青紅色雜廁  
駛流上使史二拘枳下居法丘逃  
的窪反而歲水蛭一名蟬梯磴上他芳反下都  
猛反環釧上音利還下者1船舟上音白金鑛  
鎔銷容上音澄渟下音亭流汎下勞梵怨敵音  
穴上助交反鷗夷反舶舟上音白金鑛  
窪反環釧上音利還下者1船舟上音白金鑛  
掉悔上徒逼彼力  
燄軟字軟